



GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzla („Službeni glasnik Grada Tuzla“, broj: 2/19), tačke 9. Programa utroška sredstava iz Budžeta Grada Tuzla za 2020. godinu sa pozicije Grant za podršku privatnim preduzećima i poduzetnicima-Projekat „Siguran start“, broj: 04-614/2020, od 16.09.2020. godine, Služba za ekonomski razvoj, poduzetništvo i poljoprivredu Grada Tuzla, **dana 28.09.2020. godine**, objavljuje:

JAVNI POZIV

**za učešće u Programu raspodjele sredstava iz Budžeta Grada Tuzla za 2020. godinu, namjenjenih za podršku privatnih preduzeća i poduzetnika sa područja grada Tuzle
Projekat: “Siguran start”**

I Predmet Javnog poziva

Javnim pozivom prikupljaju se aplikacije (prijave) novoregistrovanih samostalnih djelatnosti u osnovnom zanimanju i privrednih društava, koji su u 2020. godini pokrenuli svoju djelatnost na području grada Tuzle.

II Iznos novčane podrške

Za raspodjelu putem ovog Javnog poziva raspoloživa su sredstva u iznosu od **90.000,00 KM** (devedesethiljada KM), a namijenjena su za sljedeće pojedinačne oblike podrške:

1. refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika novoregistrovane firme, za period od registracije firme pa do 31.12.2020. godine, a najviše u iznosu od 3.000,00 KM, ili
2. sufinansiranje nabavke neophodne opreme i sredstava za rad registrovanog subjekta do 49% vrijednosti nabavljene opreme, a najviše do 3.000,00 KM (oprema mora biti nova, odnosno neupotrebljavana), ili
3. sufinansiranje do 50% troškova zakupa poslovnog prostora u kojem subjekt obavlja registrovanu djelatnost, a najviše do 3.000,00 KM, ili
4. sufinansiranje/finansiranje troškova poslovnih usluga (računovodstvenih, pravnih, usluga marketinga, informatičkih, finansijskih i sl.), u vrijednosti do 3.000,00 KM.

Aplikant može ostvariti pravo na novčanu podršku samo po jednom od gore navedenih oblika novčane podrške.

III Pravo učešća

Pravo učešća u ovom Javnom pozivu za dodjelu sredstava na ime novčane podrške privatnim preduzećima i poduzetnicima - putem Projekta “Siguran start”, mogu ostvariti samostalne djelatnosti u osnovnom zanimanju i privredna društva u privatnom vlasništvu, koji su u 2020.

godini registrovali poslovnu djelatnost na području grada Tuzle.

Aplikanti će biti isključeni iz učešća u ovom Javnom pozivu ili iz dodjeljivanja sredstava na ime novčane podrške, ako su u trenutku raspisivanja ovog Javnog poziva:

- (a) krivi za davanje lažnih informacija u prijavnom obrascu, koje su preduslov za učestvovanje u pozivu za novčanu podršku ili ako nisu dostavili potrebne informacije,
- (b) ukoliko su u prethodne tri godine imali registrovanu djelatnost ili privredno društvo na području grada Tuzla,
- (c) ukoliko nisu uredno ispunili obaveze iz prethodno sklopljenih ugovora o odobravanju novčane podrške iz sredstava Budžeta Grada Tuzle.

Za dodjelu novčane podrške putem ovog Javnog poziva ne mogu aplicirati subjekti koji imaju status javne ustanove ili javnog preduzeća.

IV Način prijavljivanja

Prijave na Javni poziv podnose se na prijavnom obrascu kojeg je propisala Služba za ekonomski razvoj, poduzetništvo i poljoprivredu Grada Tuzle.

Prijavni obrazac sa izjavom može se preuzeti na zvaničnoj internet stranici Grada Tuzle (www.grad.tuzla.ba) i u Centru za pružanje usluga građanima (šalter sala Grada Tuzle).

Uz popunjen prijavni obrazac, aplikant je obavezan dostaviti sljedeću dokumentaciju:

- dokaz o registraciji firme na području grada Tuzle (kopija Rješenja Službe za ekonomski razvoj, poduzetništvo i poljoprivredu, za samostalne djelatnosti ili kopija Rješenja o upisu privrednog društva u sudski registar),
- obavijest o razvrstavanju prema djelatnosti, izdatu od Zavoda za statistiku (kopija),
- dokaz o otvorenom računu u poslovnoj banci na koji će sredstva biti uplaćena (kopija),
- karton deponovanih potpisa osoba ovlaštenih za zastupanje (kopija),
- dokaz o izmirenim obavezama po osnovu javnih prihoda (original ili ovjerena kopija Uvjerenja nadležne Porezne uprave Tuzla, da nije starije od 30 dana od dana prijave na ovaj javni poziv, osim privrednih subjekata koji su prijavili početak rada kod nadležne Porezne uprave Tuzla 30 dana prije objave javnog poziva),
- uvjerenje da se protiv privrednog subjekta ne vodi krivični postupak, ne starije od 30 dana od dana prijave na ovaj javni poziv (original ili ovjerena kopija),
- uvjerenje da se protiv vlasnika registrovane samostalne djelatnosti ili protiv odgovornog lica u privrednom društvu ne vodi krivični postupak, ne starije od 30 dana od dana prijave na ovaj javni poziv (original ili ovjerena kopija),
- uvjerenje da vlasnik registrovane samostalne djelatnosti ili odgovorno lice privrednog društva nije pravosnažno osuđeno za prekršaj i/ili počinjenje krivičnog djela, ne starije od 30 dana od dana prijave na ovaj javni poziv (original ili ovjerena kopija),
- dokaz o visini troškova na koje se odnosi prijava za novčanu podršku,
- izjava ovjerena u Centru za pružanje usluga građanima (šalter sala Grada Tuzle) ili u nadležnom notarskom uredu,
(Obrazac Izjave je sastavni dio i u prilogu je ovog Prijavnog obrasca),
- listu za provjeru dostavljene dokumentacije.

V Provjera aplikacija (prijava)

Postupak dodjele sredstava za novčanu podršku privatnim preduzećima i poduzetnicima iz ovog Javnog poziva provodi Komisija za ocjenu prijava, koja po okončanju prijema prijava sačinjava zapisnik i listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva sa iznosom dodijeljenih sredstava, kao i subjekte koji nisu ispunili uslove javnog poziva sa naznakom koji uslov nije ispunjen. Lista o odabiru korisnika se objavljuje na zvaničnoj internet stranici Grada Tuzle (www.grad.tuzla.ba) i na oglasnoj ploči Grada Tuzle.

Komisija iz prethodnog stava će sukcesivno, u toku javnog poziva, otvarati i pregledati ispravnost zaprimljenih prijava i ispunjavanje uslova podnosioca.

Detaljni uslovi korištenja sredstava na ime dodijeljene novčane podrške regulisat će se ugovorom koji u ime Grada Tuzle sa odabranim korisnicima zaključuje Pomoćnik gradonačelnika za Službu za ekonomski razvoj, poduzetništvo i poljoprivredu.

Komisija zadržava pravo da, u postupku odlučivanja, od aplikanta traži dodatna pojašnjenja u vezi aplikacije, kao i da izvrši kontrolu na licu mjesta.

VI Trajanje javnog poziva i podnošenje aplikacija (prijava)

Javni poziv je otvoren do utroška sredstava, a najduže 30 dana od dana objave.

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnica Grada Tuzle) ili preporučeno poštom na adresu:

GRAD TUZLA
Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla
Bosna i Hercegovina

sa naznakom:

Prijava za učešće u Programu raspodjele sredstava iz Budžeta Grada Tuzla za 2020. godinu,
namijenjenih za podršku privatnih preduzeća i poduzetnika sa područja grada Tuzle
Projekat: "Siguran start"
- ne otvarati -

Sve dodatne informacije o načinu i postupku učešća u Javnom pozivu, mogu se dobiti u Službi za ekonomski razvoj, poduzetništvo i poljoprivredu Grada Tuzle, putem telefona: 035/307-380.